

摘藻堂四庫全書薈要

集部

欽定四庫全書薈要

集部

御製詩二集卷八十七

八



詳校官原任編修臣徐立綱

欽定四庫全書薈要卷一萬三千四百十四

集部

御製詩二集卷八十七

古今體一百十三首

己卯五

夏日討源書屋



起居晨露灑仙園雨後

樂無央退臨書屋臣鄰接原似年時景物芳

天眷承餘知凜切

聖文味處覺思長屬辭晰理頗猶易獨是躬行慙未遑

雨後萬壽山三首

雨後山容總濯如日長幾暇試臨諸林泉知我曾愁石
邈爾忽經兩月餘

稻田剛覺水生纔戢戢新秧可布栽二尺湖消還待漲
咄哉吾豈為湖來

雲羃西山不見頂情知今夕更為霖望誠難既霑偏易
清慨未紓憂後心

玉瀾堂

雨後昆池上澄懷一濯清漪瀾來轉蕙生玉有環瀛自
是消愁慮方知起豫情迴思悶三月餘意未能平

偶題味閒齋

前臨溪水後依山朗潤清華足味閒每到未能坐逾刻
却因無逸憶其間

密雲過雨又生山今日心纔得稍閒翻慮即因成怠勝
操存祇在莫知間

留雲室作

山陰多石壁倚壁可結廬
英英出縫罅寫楹任卷舒
眠則高謝徐攬寧遠學蘇
止既不知有去亦弗覺無
是曰留而已今來偶伴吾

構虛軒

峯頂雲軒四望舒
天光物色總如如
斯時點筆欲成句
會以無形構以虛

徐揚梨花雙燕

白於海棠紅於李一雙玉燕掠銀雲氣求之理物猶識
易簡都詮大塊文

詠玉馬

美玉與良馬都稱乾德為琢磨成特達筋骨自權奇何
必施鞍勒天然伏虎羆風人詠空谷體物引遐思

驟雨

六月十八日

殢雲拖雨來頃刻長空黯黯如塗墨澹然奔瀉岷峽江
世界倏作白銀色眼前變幻真復奇涼風不較徐徐吹

風猶畏強而凌弱炎涼世態夫何疑

朗吟閣

畫閣雲楣

聖藻書題名猶在我生初

閣名猶潛邸時所題也

皇考爾時

海濶天空意厥後

朝乾夕惕居空色

佛詮付茫若治安道要正慙如孩提常此聞詩禮石火
流陰越感予

題池上居

池上居偏夏日宜萬幾清暇每於斯喜因遠隔凡塵處
愁是多逢望雨時歲久種松入畫格庭陰款鶴得仙姿
清吟一晌不殊昔攬鏡何來鬢點絲

君子軒

吾亦愛森森琅玕繞砌除自將俗事遠如與善人居古
月度時白清風拂處虛從來戒旨酒嵇阮豈希渠

雨來西山西

雨來西山西祇訝天外同霏絲設在五臺峯頂望應是
迤東雲作時數百里即殊眼界千里萬里殊何疑方隅
近遠誰所為無過名象偶謂之孰能脫爾忘拘墟吾將
與之和天倪

題董邦達畫

幾曲湖山寫楚紙是中覓句欲題諸設非有道迴超俗
焉得無端便起予樹解鳴風都颯爾山方過雨尚娟如
溪邊舴艋閒拋却想薄烟波釣叟漁

喜雨十首 有序

龍見度長贏閏夏寧遲降種鵲躔臨小暑登秋巫
待為霖自開旬恰數庚辛庭緣墨候迨浹夜頻連
甲乙埜舞商羊苑畔聽催耕瑩透一犁翻玉亭邊
看誌喜潤分七字含毫於時陣不蹴以常酣雲非
烘而自合山容容兮披絮田的的矣跳珠樓頭萬
瓦流黃舟尾半篙漲綠模糊樹影料量米景尤濃
羃歷荷香省識周情更遠以至蟬吟趁曉依然咽

露聲低蚓出侵宵宛爾飲泉操潔爰因即事成篇
之暇轉憶先時請

命之忱六事詎襲桑林步禱惟祈

帝鑒八章曾沿雲漢升歌庶悉民依田司俾貸三輔倉
農事不可緩也太史漫書六月雨

天工其敢貪乎

雨陣

作勢堂堂正復奇翩翩鶴翼更魚麗六花豈待三冬布

以衆還成與物施
雷厲電明申號令
炎官風伯倒旌旗
天河壯士真能挽
吾亦因之願洗師

雨雲

爾時幾縷綵烟消
既雨氤氲易羃霄
潤出山川合膚寸
蒸為霧霈不崇朝
霍霄那放咸池日
黯黯旋傾浙海潮
信有雲官新授職
從今六幕願恒調

雨山

西山一帶本多童
那更昏霾並曠風
却自甘霖施霖霖

頓看翠巘濯龍從簇雲起每籠峯上祥霽飛如展畫中
祇有招提禪德好向來憂樂付空空

雨田

千里郊原足一犁烟蓑雨笠赴時齊黍梁見說無憂晚

農家言小暑得雨後及時播種黍梁仍可收以未入伏也

秈稻應知有穫低勤矣

或聞羣夜耨

傳聞農人乘雨耕耨或夜以繼日

嗟哉力作我蒸黎繼茲

虔祝頻霑霑佇待西成錢鏹攜

雨樓

颯景宜人拾級看臨湖倚遍曲欄干欲來風滿先傳信
乍止雲低又送寒趙笛一聲吹不斷湘圖八幅展非殘
晚來西北明霞脚猶見新波漲蓼灘

雨舟

旱甚魚遭竭澤憂舟膠都類置杯舟所欣大需蘇物命
詎為長川暢已遊桂棹筠篷方利濟明灘暗瀨總增流
一帆書畫襄陽似風片烟絲卒未休

雨樹

根固童童松栢枝其餘樹葉率黃萎幸逢嘉靈敷優澤
一洗紛塵轉潤姿憂稼能誰憐及汝回蘇卽我未殊伊
最欣入夜息羣籟點滴空林颯沓時

雨荷

隰有荷花淨植姿無端今歲發榮遲水芳可識偏愁旱
君子由來也待時竟谷沐餘淡香永溢塘濯出湛華披
承珠顆顆擎瓊蓋那數金盤露似飴

雨蟬

鳴蟬亦覺少尋常雨裏方聞爭奏簧佳卜乍教勝螻蟻
暗謀可復慮螳螂流聲亂點興還歇曳響芬絲悠且揚
德潤普施滋萬彙含生稽首大醫王

雨蚓

潤達黃泉蚓上行雖然無口亦揚聲蟠如百合乃天賦
幻作威污平聲是土精以屈為伸頗契理就乾棄濕本求
生功歸造物蘇家記那忘前茲渴望情

漢玉鳩頭

京索聞鳴瑞有由自茲刻玉飾鳩頭恍疑廣受歸東海
娛樂田廬賜物留

熱

雨後土溽潤濕氣蒸為暑雖無鑠流威頗憚溫漬苦冰
盤縱却炎清宴遑寧處況當甫霈霑趁時農功舉嗟我
三農夫曝背真勤楚更念黍稷與稷稚苗纔出土暢達藉
暑催亦賴灑涼雨早晚幸可期霽生看柱礎

鄒一桂花并翎毛

雞冠花側立鷄雞情與無情一羣提奚必主賓特形異

恰看老少得年齊

雁過紅一
名老少年

秋前彩幘爭擎露月下歌

裳自舞霓祇有太真耽晏起

秋海
崇

厭他咿喔五更啼

急雨

六月二
十一日

東北生雲東北風天邊睜眼來天中摩醯首羅數工不

及傾江倒峽噴長空山似海石樹如瀑湖水涸消霎時

足雨收雲歛颯涼生點滴連林蔚新綠

恭奉

皇太后觀荷作

既雨乘朝爽觀荷迓

聖慈浦中都織錦天際又霏絲淨植呈芳度紅裝照碧
漪底知異凡品此地是西池

題素心堂

山不在高水亦澄秀兼山水趣偏勝靜叅倪莞禽魚適
悅可襟懷翰墨憑徵士愛他即景句義經得我素心朋
雖然未敢耽閒逸肯構恒斯勵繼繩

芸暉屋

書圃禮園無數好甌香
研淨有餘欣惜分陰是前賢語
正愛清暉照古芸

海嶽開襟歌

樓名上有扁曰乘六龍

滄池養養蛟龍窟中聳玉臺規寶月祖洲之草琪樹枝
襲芳籠影水精闕周裨瀛海誠曠哉崑嶠方壺縮地來
八琅雲璈底須奏松風竭聽塵襟開芥舟祇需坳堂水

溟渤何勞千萬里得其環中遊物外棗葉須彌皆一理
我之所戒在求仙海嶽寄興屬偶然保合太和勵體乾
時乘六龍以御天

文徵明竹蘭

淇澳風依空谷香氣求雅合此同堂衡翁寓意真超俗
所見猶思鶴阜旁

西直門外

視朝清曉返宮庭攬轡觀農度野垌曾是望雲愁赤地

何期一雨總迴青

季夏悅心殿六韻

往來雖路便今歲乃初臨先是都愁旱茲畚幸獲霖敢
云沐

天眷惟益勵吾欽磴石得披歷齋書偶繹尋古香棄幾
暇穡寶待秋深未可輕言悅悅斯虞放心

題畫舫齋

樸齋幾架俯琳池等度名稱畫舫宜明月清風自無盡

筠篙桂棹底須施
滄浪清濁付童子
烟雨瀟湘訝虎兒
祇有載舟規義切
十思疏裏得吾師

雲岫

湖水未增波岫樹已迴翠
夏季景始佳雨後雲生易巖
廊接芸室拾級探幽致
逐步薈蔚狀愜懷蒼茫意

戲題液池荷

池涸零星幾朶花
那看膏沃致光華
因之有會昌黎語
未得真源漫自誇

養心殿對雨誌懷

六月二十四日

適纔郊外來悉心閱農務高下總迴青刺土新秧佈下
隰實潤濕高原耕不誤及觀太液池涸澤仍如故因思
再雨佳傍晚霏甘霽雞樹枝生烟鴛瓦溜垂霏玉溝流
不及釰砌積水聚此雨誠酣暢畹渠定灌注清苑應普
霑潞河通舟路交易噬嗑資剡木涉川輸民惟赴時勤
我以大公付絕勝補偏為功倍

天恩遇

夏曉西苑

視罷朝儀換禮衣
謁從西苑攬清暉
液池見有波披縠
天宇時還雨點璣
草木春機纔得復
黍稷秋稔又將希
略饒餘興觀魚樂
害馬除看鷺遠飛

素尚齋

樸棧曾非藻幽齋雅欲仙
松間覓雲徑石罅眄壺天
雨足花噴麝風過鳥遮絃
愁中久拋置今得稍周旋

純一齋

在豐澤園中

皇祖御額也

過雨乘晨爽遊園憩舊齋即今對景日仍

昔重農懷綈几披芸簡松簷仰

古釵兩言賅衆義未易涉津涯

魚樂亭名

禽去絕駭驚漲生任潛躍豈必藉濠梁今來識魚樂

題國學瑞槐圖六韻

黌宮嘉蔭樹遺蹟緬前賢初植至元歲重榮辛未年奇
同

曲阜檜靈紀易林乾徵瑞作人化符祥

介壽筵

辛未歲大慶時是槐

聖母六旬適重榮

喬柯應芹藻翠葉潤觚

編右相非誇繪

大學士蔣溥釋奠見之因繪圖并紀以詩

由來事可傳

御園雨泛

湊雲為雨易潺暑應時行霏拂池塘過漲浮艇子輕涼
絲侵袂濕亂點激波明日又兼暘祝悠哉望歲情

湛淥室

小屋三間俯小溪活流湛淥也堪題誰云雞肋無多子
藉悟漆園觀物齊

學圃雜興五首

北村有隙地種樹還藝蔬清溪貫其間不井可輓轡將
謂無愁旱川涸圃漸枯乃悟凡百為省力非良圖

雨足百穀滋我圃亦日好烟甲黃轉綠萎葉潤蘇槁果
可待秋實菜即摘露曉圃人乃色欣資益良不少高謝

漢陰翁勲恁甕自抱

年年問所獲不償灌藝資信斯恒失利外應無圃師我
非事辜權人情亦欲知為公與自為二皆去聲所差在毫釐
既慚彼芻蕘小節應聽之

樊遲請學圃子云小人哉偶觀自無礙町疃左右開順
木為政方佐穀祈年懷

漾舟進圃門夾岸菁蔥美雲湊又霏絲便因觀雨裏既
易寧忘艱對此還思彼於焉樂生意亦以叅物理光明

祝匏瓜吾謀非為已

半月臺歌

望月惟有登臺宜不規其滿規半時半可至滿滿將虧
此義吾間諸庖羲開襟海嶽樓閣重

臺在東岸

忽如擁出滄

溟東玉階瓊祀露半面弗升弗沈懸半空半空可望不
可即世界渾作琉璃色太白單父望鏡湖我亦因之動
遐憶仙人結璘捧玉壺以酒觴我我不須漢文百金尚
未逮唐堯蓂莢安知乎

詠側理紙

異域傳奇製今時見古初
海苔堪響像魚網此遺餘
山谷雞毛筆右軍龍爪書
似伊方合用笑我欲何如

直隸總督方觀承奏報保定得雨

雨足餘愁為保陽均霑幸得閱來章
載咨方伯休稱慶
致此吾猶愧未遑

河南巡撫胡寶琮奏報開封得雨

豫省春佳夏同旱鄰封延及是
吾愆還教同日霑膏澤

胡寶琮奏稱亦於六月十二三等日得雨額感敬勤心益堅

題張宗蒼溪亭漱玉

雲間振鷺半空垂落就稍平
滙作池記得范園聽雪閣
憑欄一晌會心時

喜晴

閏六月初三日

邇來霖雨常霈施雲拖間去聲或霏細絲
高下種已佈將遍日以暄之斯為宜
湖減二尺倏已復滿阮滿谷溪流
肥田父老談又可聽再雨恐致泥塗
滋稚苗方長欲受

曬更虞蔓草難耘
乃顧孟婆云爾胡畏強而侮弱而
今胡不風從西北吹
昨晚陣雨罷東方見虹霓徹夜星
朗晨曦披霽景萬物都熙怡
人情變幻於斯可知纔廿
日耳又有喜晴時
天地之大人猶有所憾
吾為政者安得每人而悅之

戲擬夏卉八香圖各題短句

蘭

春黃秋太紫綠色
夏欣猗習習薰風裏
都梁鼻觀吹

夜來香

聞是海西種偏標齊代名
還似華林苑舞罷獨盈盈

晚香玉

傍晚艷香放形如小玉簪
嗅復鼻根淨何殊薝蔔林

茉莉

雅友清芬擅宣和列八芳
高謝金蛾輩新交又厠香

珠蘭

弱幹挺長穗瓊珠颯颯垂
三閭如紉佩覺復此為宜

荷

態合擬仙人品早稱君子八香結夙盟屬應執牛耳

梔子

十里香盈谷六月雪封枝玉欄干側畔等度是仙姿

玉簪

花色白多香玉簪最郁烈美人起晨裝搔頭一枝折

雨後遊靜明園雜詩

宿雨空林泮曉烟靜明耐可試鳴鞭青龍橋迤西偏好

水足青秧蔚稻田

昆明湖漲水如舊況是靈源漲益多分付林丞善節蓄
司苑者始歎水不足畧過常準即欲宣減有莫輕偷洩
司常態付之一笑因命多豬湖中毋擅啟牖

好恩波

祈神亟來每亟返既恐瀆神亦鮮來旋轉乾坤靈雨遍
乃知神復有需哉

樹洗塵封峯染翠也如人始笑開顏煩憂三月付誰是
幾點霜添攬鏡間

慈姑葉長知幾日巧婦巢深見乍時
恰憶閒官白居易
經旬還不到家池

雲如含緒飄空逸蟬解曳吟過樹長
詩思從來勃雨後
懋勤供奉又應忙

鏡亭

一朵峯亭臨鏡水亭得鏡名乃所以
玉鏡臺實雅相宜
聞道太真物即此

涵漪齋得句

山右斯齋好臨湖倚碧峯大開窓朗朗俯挹水溶溶可
以澄塵慮因之涌藻胸那更勞陟嘷濕翠出雲重

題飛淙閣

雨後飛淙謾且雄簌林蹶石落層空應攜焦尾調徽軫
寫入松風是異同

叢雲室

翠雲叢隱逕書室傍花宮膚寸崇朝合三霄顥氣通氤
氲纔寫棟間柯若浮空八伯如逢進吾方愧抱中

翠雲堂

堂北陰森森金源雙樹在過雨翠益濃濤翻青色海梧
竹不敢鳴衆音之所匯我來實九夏九秋如我待旱樹
多迴蘇枝葉曾無改

竹壚山房作

竹鼎茅齋學惠山浮香消得片時閒嶺雲拖雨拂吟席
何異九龍薈蔚間

自玉河泛舟至石舫

玉河生水可通舟便與乘閒一溯遊石舫却如迎去人聲
告不因消長作沈浮

清可軒

山陰一攬結巖軒愛清可拾級散幽步拂席聊憩坐石
壁滿意涼苔色嶽岑瑣無暇恒在茲谷神應笑我

嘉蔭軒

雲巖得路入林扉咫尺高軒清曠依今日題詩亦已夥
夕章待閱可云歸

山西得雨誌事

旱氣所流行今歲徧西北陝民獨厚幸五月已霑澤甘
已霑復旱遙望每太息惟三晉可憐陣雨曾未得爾來
渥畿甸引領佳音獲茲始接奏章近遠潤盈尺秋收率
可冀閭閻頓改色借種有前諭農時不可失仍願恩膏
霽陝甘以遍及

題玉鏤戲嬰圖

巧以峯山質還成玉筍姿天機活潑處引我少懷思

夏日閒居擬陸龜蒙四聲詩體

平聲

龍池新蓮芳臨漪聽潺湲窓虛松濤清牀寒桃笙斑蟬
聲流高林霞光依遙山幾餘頻拈毫云閒誰能閒

平上聲

披薰欣南來廣厦美景撫懷新哦陶潛遣夏緬杜甫文
琴彈希虞旨酒警凜禹惟應思民艱往往此暑雨

平去聲

冰盤華浮瓜貢硯弄素翰圖書堪為鄰桂簾置對岸清
風能延涼快霽象注漢觀耕良紓懷義行慕讓畔

平入聲

乘涼宜池頭白月拂屋角消炎編芸翻却俗竹玉擢猶
然殷先憂亦不悅獨樂閒居吟龜蒙搦筆竭一學

趙雍採菱圖

窈窕吳孌倭墮衰採菱唱出水風涼峯容波態似相識
憶在石湖茆碓旁

多稼軒十景詩

有序

一天好雨恰送黃梅九夏新涼初延綠籞豈羨北
窻笑傲溯茲軒之得

名言占南畝蓄畬思惟稼以為寶時也高高下下各選
勝以成區色色形形咸對時而有作虛亭致爽淨
域祛炎屋留五架之儲琴書有託磴引三盤之趣
風月為鄰嶺畔樓高界畫晨光乍霽洲中磯小拍
浮晚漲還添池沼並宜詩述者敢忘

文囿禽魚紛可繪卑之詎擬華林題拈連類十章律取
分裁五字要以指歸斯在聊隨喜雨命篇矧夫
景仰長存如藉嘉禾紀歲云爾

多稼軒

樸室數楹面勢廓豁東牖臨水田座席間與農父
老較晴量雨顏曰多稼

皇考御筆也

徑入翠雲曲窻含老屋深數畦水田趣

一脈戚農心庭竹張真畫階泉滴暗琴當簷懸
聖藻每至起予欽

寸碧亭

出多稼軒假山嶙峋截薛尺寸千里盤石磴而上
縛竹為亭名曰寸碧

攢蹙翠瓊表翼然亭子涼騁觀延綠墅勝概學黃岡松
架炎偏爽花棚靜益香每來期默識不必展縑緗

水精域

石溪方可半畝朗榭臨之飛泉淙淙有聲杜甫詩
云心在水精域信能傳神

絡石縈林邈飛湍雲錦淙嵐扉沿得得花雨落重重可
遲去聲平橋步恰聞遠寺鐘只疑幽絕處彷彿贊公逢

靜香屋

水精域之西一室蕭然柳宗元所謂視之既靜者
於斯屋有會心焉

洞房含窈窕芸席足清嘉書史道腴味林泉靜致賒迎

風聽竹籟過雨展蕉芽鼻觀獨深永名言未可加

觀稼軒

憩於室窻為宜登於磴臺為宜此軒在臺上不施
戶牖故觀稼恒於此

敬謝崇基表鱗塍俯水田鋤雲將笠雨箱萬復倉千要
以知艱設寧因綴景傳

璇題標兩字

家法訓祈年

釣魚磯

迴廊接小亭獨出水中時弄竿綫不在得魚否耳
階下水潺湲春條出水閒綸竿偶可試網罟定須刪潛
躍淵將渚噓喁往復還

當年寓渭上此日仰

牆間

招鶴磴

岬然窪然之間羽客彳亍緩步雖不招之而意有

顧惜弗去者矣

篆文苔磴滿鶴蹟印來斜未可乘軒駕雅宜點畫又樂
看長^工毛羽意喜寓烟霞何必孤山側偏稱處士家

互妙樓

山之妙在擁樓而樓之妙在納山映帶氣求此互
妙之所以得名也

層構單椒上前峯復列屏吸呼通顯氣表裏接山靈靜
樂宜情性筌蹄泯色形環中得深造可以玩義經

印月池

一月千川寧獨此一池然一池之月即千川之月
也竭爾靜悟不異

當時指月佛詮

穿池貯淨水孤月喜居之秋夕寥蕭際春宵澹蕩時一
將千豈別半與滿無私

金口說如是瞠乎詎易窺

濯鱗沼

印月池之右別為一沼有閘通水育熱河美鯽魚
數百頭取攜為便

文鱗千許頭靈籙恣優游
濯戟常看樂投竿不亟求
闔萍隄影動戲藻浪花浮
在沼曾憑賞常虞奉此羞

戲題木根馬

蕉葉既可鹿木根何妨馬
是非彷彿間亦吾深戒者

賜將軍兆惠書扇

火嶺炎蒸劇將軍未解鞍國威揚萬里臣節率三單贈

獎赤心篤持同白羽看黃香思漫引存問悉平安

兆惠母年

高時遣
人存問

賜副將軍富德書扇

師進和闐路搗虛事夾攻恩威僕僿識甘苦伍偏同推
解厓予念馳驅勵汝忠策頭題句贈回部播英風

新月漫題

閏六月
七日

哉生西宇玉蛾彎可望應知不可攀
婪熱嫩涼會今夕

却緣閏節夏秋間

碧霄清永絳河披便擬鈎應為釣詩只有黃姑心覺苦
會期一月轉添遲

謂饒一度泛湖期三月愁過剩此時信是姮娥善節制
幾曾輕許占便宜

題金廷標畫

誰家亭榭真延涼足山足水足徜徉迎風祇覺竹籟爽
過雨如聞荷氣香主翁繩榻恣盤礴童子適適各尋樂

樓裏何人意不盡綠柳紅欄下珠箔鶴鳴魚戲真性存
有臺有沼有植援不擬白傅履道坊定是溫公獨樂園
溫公獨樂樂豈獨白傅履道道亦履老安少懷我所塵
觸目賞心喜題此

熱

德暑方司候快晴亦閱時蒸炎信應爾溽熱豈容辭千
畝暄宜稼三庚靜下帷書林煩且置默詠聶家詩

風

樹杪微微泛花間款款吹未能催熱去終覺與人宜傍
埭期間籟迎簾欲納颼孟婆冷笑道亦有喜風時

芳碧叢歌

玲瓏湖石邏嶙峋視之茗邈即之間錦繡舒芳葩幾簇
琅玕搖碧筠千竿碧筠詰曲中得路芳葩如屏後庭護
文軒五架虛且明夏曉延涼咨政處延涼緬想歌南薰
阜財解愠廛萬民每多旱甚盼雨候亦有霖恒望霽辰
望霽較可盼雨必一歲舒眉能幾日咄哉前言戲之耳

合是先憂凜無逸

賦得天心水面

細籟拂銀浦素蟾麗太清圓融涵上下表裏徹光明輪
漾瀾無定波連魄若擎魚相忘聲去潛躍兔不計虧盈通
體准虛朗怡情泯色聲堯夫拈五字精詣識平生

夏日含經堂

棟梁樸有餘几席清無比炎景玉漏遲涼颺紗幮美縹
緗富鄴侯體驗緬朱子砌潤苔篆青盆香蘭箭紫物物

欣恢矣吾亦樂同爾

翠扶樓

翠蔚傑池間
硤間紅樓高
出俯前山底
須遊目役神
思靜領幾餘
片刻閒

御製詩二集卷八十七

欽定四庫全書薈要卷一萬三千四百十五

集部

御製詩二集卷八十八

古今體一百十五首

己卯六

長春仙館得句

竭思仙館一臨諸芸几蘭閨信灑如憂樂向來成底事
詩書無射合相於松間雅愛風延爽竹裏仍看月入虛
廿四年前閒景概祇宜分付綠紗疏

白蘋紅蓼扁舟

延樓橫俯芳洲坐玩風行水流妙趣明湖曾見白蘋紅
蓼扁舟

載月

閏六月
十一日

紫雲傍晚斂魚鱗今歲蘭舟載月新
虛度春光饒度夏
拓量鈎影窄量輪偷閒耐可裁清詠
惡旨寧當事美醪
偏是湊機剛得句厭他供奉按歌頻

泛月雜詠十二首

有序

槐庭結夏後庚恰度二旬梧井延秋先甲將臨三

日得月宜逢閏籥舉頭增一回圓催詩好趁宵輪
著眼大千界滿爾乃遲望舒於海嶠引列宿於河
源裁雲遙拂天衣采露近分仙掌舟泛澄湖片葉
非米非張溪迴夾岸雙虹是蘇是白婆娑樹影誰
饒探窟深情羃歷荷香自寄涉江遠思車子之書
未卷螢照能明歐生之賦欲成蛩吟亦切總以勅
幾甫暇聊拈閒話於水天肯因蠲暑重題輒侈新
聞於花月者哉

月

蟄生蚌寶識虧盈離畢經箕驗雨晴誰謂古今不相及
舉頭請看十分明

星

貪看月鏡逮星羅那覺分光覺助多未免傍秋少惆悵
不堪牛女隔銀河

雲

碧宇寥蕭擁玉輪偏宜隱現觀魚鱗太清點綴何妨爾

景重由來亦可人

露

灩灩淈淈夜晴披濕袂無聲坐久時何必羽觴飛月下
試嘗天酒正如飴

舟

漾舟憑月月憑舟賓主分明識得不若論今宵親切句
不妨如是且隨流

湖

空澄正印虛明體搖漾又宜流動情翠舸不教輕下櫂
琉璃一片可憐生

溪

湖以寬佳溪以曲隄迴舟轉趣偏賒忽疑座席籠霞錦
却見朦朧夾岸花

岸

露芳風馥遞來徐到岸舟停月亦如今夕烟航事稱畢
明宵逢霽又相於

樹

如薺如雲如有無
松篁不辨翠模糊
就中掛得一輪鏡
大勝米家墨戲圖

荷

徐徐盪漿恐妨荷
容與湘妃晤素娥
暗識聞香真絕勝
元之詩句得情多

螢

雨中燃著星中亂
月下何妨熠熠明
分量不知休致誚

微光亦趁一時榮

蛩

沙岸聞吟看不見
每先秋節報人秋
教停桂檝收蘭舫
冷露無聲月色流

細雨

閏六月
十二日

霖雨霈優渥人心
率望晴晴未逾十
日溽暑苦炎烝因
之復冀澤滌鷺期
涼生過午西北風
陣雲嶺上橫傍晚
霞霞霏氣爽頓含
清解作畧片刻雲
散返照明披雄登

楚臺幾

平聲

望遊玉京颯景誠佳哉不無餘惜怍晚田耨

已畢繼霑待畦塍霑矣即時暘斯可卜西成於獲豈辭
多我亦同人情靜觀復自哂誰得心常恒

湖樓晚眺景物鮮奇吟翫成篇即書壁上

天垂霞脚水澄烟天水空明相與鮮恰著高樓臨玉岸
似遊懸圃望銀田虹如博帶匪伊東月是古鉤特地娟
墨汁金壺待書壁滄池容與漫開船

曹知白秋涉圖

褰裳高士涉寒津貞素分明寄澤民

見自題語

寓意應同子

太叔交敦久敬莫他人

賦得涉江采芙蓉疊舊作韻

夏曉風竟谷雨餘水漲江纔看樹低岸

岸遠則樹低

漸入芰

籠艘陸卉自無比隰華實鮮雙葩真紅玉珮葉是碧油
幢逸態凌舳舳輕香襲舸窻挹清芬不絕著俗艷全降
一晌引新興五言續舊腔會心於澹泊聲色任撻撻

夜雨

閏六月十四日

溽熱正思涼雨湔晚來載月喜晴妍望中雲色天邊作
遊罷瀑聲枕上傳已覺薄寒侵葛幔兼欣優潤遍禾田
審斯庶可西成卜損益權衡倍悚然

雨後泛舟乘涼攬景

夜雨初收曉烟泮涼景宜人又堪玩今日幾務乃值閒
已刻明廷罷批判東湖潏沔命蘭舟雲散風來爽氣流
昨朝暑熱避何所詎是酷吏無端收花枝樹葉皆生態
琳沼漪瀾渾可愛曦先秋節懸清光露滿荷盤流沆瀣

江毫宣硯左右隨偶然弄墨有所思一念聖狂分罔克
午前攬景或非宜

王如意

巧匠琢荆玉雅堪號握君含章洵遠俗特達迴超羣味
道如可挹葆光意不紛奚稱韋刺史藉用指三軍

立秋

閏六月十六日

代謝無停晷天行又報金有風已覺爽不雨却憂霖立秋

日小雨即晴為佳占不雨反
恐為秋霖是日未雨故云

荷露泥濃氣樹蟬流響音

評量人與物一例向秋心

遣吟

澄虛榭朗散幽襟景入新秋雅稱心
搖扇暑如避西顥登舟月恰出東林
遣吟細字渾難寫即目烟波耐可尋
傍岸剛欣芳草綠王孫又送數聲吟

荷露烹茶

秋荷葉上露珠流柄柄傾來盎盎收
白帝精靈青女氣惠山竹鼎越窑甌
學仙笑彼金盤妄宜詠欣茲玉乳浮

李相若曾經識此底須置驛遠馳求

題錢維城歲寒三友山水畫

佳處是修篁書屋作者定梅花道人閉戶已來歲月幾
庭前看取老松鱗

竹虛松古谷谿衙閣外寒梅又作花點筆詩人如著句
定稱三友一應加

熱

婪暑今年劇溽蒸可奈何頓思涼雨洗安得爽風過竊

怨厓窮屋畧欣利晚禾情知秋氣入孤注想無多

鸚鵡

鸚鵡雖能言所言自不知清晨對籠語巧舌能效為

解一

張華教啄鸚何忠代寄信審然乃鳥妖事不可為訓

解二

雀房飼養熟習慣聽數言

不過曰大哥哥人來了之類

背籠乃語他

誠恐無端傳

解三

甲乙二內侍甲癡乙者黠鸚見甲者馴

見乙鳴憂憂

解四

甲為鸚爬搔展翅意若喜有時眠掌上

毆之亦弗起

解五

乙持果實來漫餌實相撩鸚亦伺其怠

利嘴噍如鵬

解六

因悟昌黎言小黠乃大癡智固不可逞

物固不可欺

解七

即事摘藻詞物各具性靈中孚豚魚吉

可以詮義經

解八

澄虛榭待月作

朗榭臨碧湖潏沅不計里因居岸之西待月恒於此羅
落迤東林掩映金盤子須臾升其杪翻影漾湖水天水
月胥虛誰與分別是三間獨無言了然洞妙理

竹如意

通體猶存節全形不事雕天然芝朶纈無礙物華撩代
語靜為用因心機自消一吟德裕賦神理覺超超

雨

閏六月
二十日

南郊竭誠祈邀

貺霈甘澤敢曰微誠通好生實

帝德侵尋待半月嘉霽亦屢獲補種出土苗難施耘耨
力以茲復望晴旋即雲開晝時暘已過旬炎熇日以熾
嫩苗豈能當更冀涼雨滌昨來常生雲問夜不安席今

朝乃大霑溝壑盈頃刻永黍定勃興感深手加額愁
經三月優霑纔略釋霑來曾未幾慰懼又數易昊蒼有
權衡揣度終非得永矢祈年忱靜聽

天恩錫

雨中泛舟六首

族雲噴雨過前川
颯景宜涼一漾船
可會應知不可著
水晶闕裏小遊仙

尋常溪岸望偏賒
藉甚吳家更米家
昨日晴明荷露影

收來可試雨中茶

細點恰如魚唼藻
亂深直擬瀑連天
聲空聲與色空色
得渡惟應般若船

乍明未准便晴開
雲湊旋看挾雨來
倒峽傾江任濟盪
笑他空有曝鱸顚

烟縷風絲拂面迎
生衣又覺峭涼生
昨朝愁暑意何往
若箇恒心得鮮更

顰顰酣灑盡驅炎
天水空濛一色恬
消得閒心耽筆墨

波光樹態供

去聲吟拈

新秋討源書屋

萱祀悉

興居芸室授進止渥雨夜分收曉晴亦可喜珠綴柳帶
潤麝噴荷濯綺砌寒響吟蛩屋老多鬪蟻宜暘厯農務
對時格物理立秋過五日秋意今朝始

昆明湖上賞荷五首

宿雨初收曉露多幾閒湖上賞秋荷那須牛女標銀渚

織出憑看襄錦羅

練橋右畔景偏殊
琳地霞天別一區
便是南巡坐來舫
那更麴院憶西湖

幽閒格態靜精神
一種亭亭最可親
輕下筠篙收桂棹
恐妨唐突洛川人

漸入花深香亦深
濛濛露氣濕衣襟
同舟不是能詩者
御前大臣額駙等每
隨登舟率不能詩也
腹藁成來獨自吟

望雨愁多夏澤乾
花無顏色懶來看
雨霑花好秋臨矣

君子奚妨時節閑

景明樓得句

水誌昆湖較舊添
化功功倍速飛潛
停撓漪影翻銅鳳
倚檻曉光印玉蟾
此地尋常不知暑
況今風物總驅炎
半年曾未相過

平聲問

孤負文窻與畫檐

寫秋軒

可知圓蓋本無私
玉露金風又一時
仁者見仁智者智
寫秋自是此軒宜

文伯仁雲壑秋晴

雲如解避秋片片似波流地是箕潁界舟同李郭儔天
高惟色淡樹靜乃聲稠借問騷人士於斯賦就不

晚晴落照

西日赭東山東霞翻西宇有光乃無質燿燿輝林楚著
壁如塗赤入水似燃炷樹蟬益亮簧池蛙競鳴鼓須臾
暮景蒼色聲歸靜所

題金廷標寫意秋英十八種

晚香玉

夏英看已是秋英
渾露嫋嫋放晚榮
兩字題名已鄰菊
可能籬下伴淵明

山丹

離離娜娜照庭除
弄影清光過雨餘
最是風人工體物
錦衣君子比顏如

山丹即花疏
所云渥丹也

鳳仙

淡暈精銀深纈紅
折枝漫自憶芳叢
畫師巧著芭蕉葉

何異喑喑下碧桐

雞冠

戔戔露夕與風晨
褒貶從他染翰賓
却憶荒村一聲唱
無端起舞范陽人

藍雀花

有身有尾有雙睛
翔向芳叢得少停
恰似昂然語絳幘
一般託蹟在禽經

石竹

嬖媚小卉足清幽張耒還思王子猷世上寧無偽君子
底須責備草花流

老少年

是葉昏花古錦披老年貌勝少年姿又如疏傳歸東海
娛樂田廬中酒時

玉簪

牆陰砌角露華新琳質檀心淡有神設使漢宮臨曉鏡
祇宜持贈李夫人

秋葵

不共春華一例榮
有心惟解向陽傾
疾風勁草吟前句
始識秋葵善副名

紫薇

寓意得宜是畫家
向陽為伴亞瓶斜
千秋對者誰稱合
獨許香山不負花

錦葵

女夷遊戲賦芳菲
四季流行一氣機
衛足設教相較量

此花曰具體而微

翠菊

蓓蕾初舒翡翠英
綠蕉葉襯似鋪瓊
佛螺擬議非唐突
物物毘盧頂上行

萬壽菊

黃金為瓣玉為叢
燭燭風蕭露泥中
合向

萱階祝

萬壽由來正色一般同

蘭

墨蘭自是王孫法何必當秋不散芬
獨植一盆應有意
可容凡卉與為羣

金盞

折來疑帶露
灑灑盞盞是秋金色
是黃鍾令昔稱善醒酒
一中之審又何妨

秋海棠

錯置寒英各有姿
嬌紅偏覺態離披
小名漫道稱呼舛

雅似花鈿委地時

丹桂

尋常只合中秋看每向臯塗覓早花

香山臯塗精舍育桂花七月即有早

開者却喜藝林真解事簪餅金粟換丹砂

翦紅紗

浣得溪紗重染朱剪來曾不費工夫曰名曰象憑人謂
試問羣芳自識無

夜雨

閏六月廿四日

入秋德為霖脩作脩復止將盼忽得逢於心寧不喜今
夜乃達晨轉復虞多矣設晴斯弗害密雲歷辰已感感
縈寸懷未卜農臧否詎予同衆見有憾無厭已衆情即
予田亦希盡善耳

喜晴

過午銅鳶轉金風西北來目隨晶日朗愁共絮雲開走
壁蝸涎繆出林蟬響厖所欣不害稼命勘近臣迴以雨或
成潦命御前侍衛往勘近畿回
奏低田尚不致為害為之稍慰

新秋玉泉山

秋月雖未臨秋令斯已報徹夜金風清凌晨露華耀批
答率已罷策騎一攬照匪直賞山光亦欲驗農樂昨來
皎日暴蘭蹊不泥淖稻田固蔚秀禾隴未致滂用是心
稍慰烟宮暢觀妙

清音齋

園內此齋古入門便得之鳴鞭不十里可以憩移時更
換肩輿進趁涼山逕披穹窿峯頂塔待我詠新詩

寄暢軒

山軒偶到闢雲關，暢好幽情寄此間。
名合秦園纔去聲，千里吾心厖乃遍。
區寥

登玉泉山定光塔二十韻

窳堵玉峯頂，得高因迴宜。
定光舍利法，喜擁禪枝仿
自金山寺。是塔肖金山寺塔為之。建依鹿苑規。
報恩竟空肖，開化

亦奚為？

於大西天曾仿江寧報恩寺萬壽山仿杭州開化寺皆欲建塔既而大西天者燬於火萬壽山

者又建而弗成故並罷之

兼有誌過之什見前集。誌過題詩彼落成瞻禮茲是

中有深義不可缺新詞存小欲崇儉不慳總屬施佛寧
期壯麗我未詣希夷似此云可矣於焉一陟之七層盡
遙攬百級自卑移沉值時晴快益欣秋爽披風隨進步
峭景逐縱觀彌造極真無比探奇又莫遺神臯歷赤縣
紫禁輦皇基襟帶河山壯共球鷁鰈馳民天惟稼穡治
鏡切疇咨詎可耽閒趣鎮窮暢覽思先憂饒後樂保泰
奉無私行漏鳴移晷歸輿下就達搞毫識歲月權當勒

豐碑

塔成未建碑
勒文故識之

麗矚軒小憩

七層穹塔自攀躋登罷聊來小憩今此亦玉峯最高處
堵波相較又為低

法輪迴望白雲中一聽風鈴萬慮空過雨山楓迷徑綠
入秋巖卉耐時紅

秋曉登臨似去年清河遙見石槽連駕言巡狩仍由此
已覺先期興勃然

雲窻四面縱觀宜繡壤迴青寶露滋半歲一來片刻去

高軒笑我是何為

題宋人盆蘭

千葉各依根
百花不逞色
淨業乃其芬
淡懷乃其德
作者弗著名
是道非語默
不盡意已示
來遊衆香國

擷翠樓得句

碧邏青圍蔚
四山畫屏浮
動八窻間
短章自可當
長賦
消得樓中片
晌閒

再題玉泉山定光塔

新晴利穠良欣懷玉泉秋曉重遊來宰堵初落成宜望
白玉千尺玲瓏堆山頭八方入遙目極頂自更延遠矚
却為前茲造上層不必重登意已足茲非茲詎前非前
意同目異半與全塔影風鈴幻聲色空諸所有皈青蓮
白雲一縷生足底似是天龍聞法喜淨緣綴景則不無
而我覺未安於此

憩妙香室

古華嚴寺側靜室樸無文步倦於焉憩心清或得聞

杜用

甫詩

青蓮惟淨業優鉢散奇芬適自堵波下迴瞻隱白

雲

影湖樓

邇年開水田漸多或虞水不足故於玉泉山靜明園外接拓一湖俾蓄水上游以資灌注湖之中築樓五楹惟舟可通適因落成名之曰影湖而繫以詩

靈源蓄水拓池寬灌輸

去聲

期資稼穡艱樓據湖心攬湖

外客惟舟往亦舟還會心表裏神明境動影虛無窈窕
間快雨更欣逢快霽偷閒於此一開顏

陶尊

有虞合土貴質淳冬官埏埴司陶人不鬲不甌見此尊
入土出土幾千春爛斑青綠周身皴光匪外發內蘊真
乍視夏鼎商彝存撫之體輕堅逾珉其響清越如泗濱
乃悟陶器成神甄苦窳髻墜非所論燥濕弗受剥弗損
叶使我慕古輕華珍穆然若見封垂倫允宜衢設惠萬

民

題金廷標人物

塞驢怯渡蹲跢奴子長繮儘力牽騎者鞭毆復懷懼
旅情一段畢神傳

恭奉

皇太后幸避暑山莊曉秋啟駕

秋蒐武緯亦文經例事山莊數日停玉露金風排法駕
千秋萬歲奉

慈寧

諸部行將奉屬車巖關古北是門閭朝家武備超千古
顧語兒孫慎守諸

芄芄禾黍遍原田轉歉希豐實賴

天兩月景光異爾許向來曾未敢期然

載觀寶穡可望登秋迴憶望雲慰悚并集言之不
足更成是篇

夏至過無雨旱太甚常年勞苦實乏術用敢呼籲

天甘霖乃大霈自近達遠阡屈指兩月內景槩又異前
虞潦冀再霽情懷屢變遷行時駕啟蹕乃歷觀大田早
種已吐穗遲種亦蔚然百分中之一下隰實滂焉亦復
為之惜尋思安得全設旱再五日赤地千里綿此懼可
迴思此慰益勉旃

密雲行

京北重鎮稱密雲巖城埤堦新舊鄰控制三邊列旂戟
勝國曾此屯萬軍兩山寺塔節璫建南者已頽北猶存

靡餉士不得實用剥民奉已祈佛恩爾輩富貴亦何在
空令過客興慨論白河流西潮河左徒觀形勝誠復可
由來在德語不刊詎誇扼險牢關鎖即今大宛為荒服
木蘭近園來往熟築隄障水惟利民

康熙年間事

我每經行

緬

聖躅得勢不事守有餘失勢竭力守不足勢匪地利實
人和敬已勤民籲

天福

哈什哈爾回衆投誠詩以紀事

今春圍解黑水營

黑水即喀喇烏蘇地近葉爾奇木去冬將軍兆惠等築壘固守處也

全

師迴阿克蘇城賊不敢遮亦不綴彼力創竭足堪徵北

塞調馬往二萬益以索倫之勁兵以布易回粟供餉

回

以布為珍用兵駐阿克蘇時命轉餉者運以易粟膳軍省費三十餘萬復勅內部就產布各省採解不以煩甘

涼以被災故也

數月休息胥飽騰整師兩路一時進殲渠務使

回衆寧

回酋兄弟分處兩城枝梧榮應命將軍兆惠等由烏什往哈什哈爾富德等由和闐往葉爾奇

木帥兵同時並進令其首尾不救以期俘獲

屈指此際壓賊境又盼佳信夙

夜縈朝來驛致將軍奏兆惠報回衆投誠拆封披摺一

詳覽歷歷都悉軍前情進至伊克斯哈拉

地名將軍兆惠進兵攻哈

什哈爾閏六月初三日行至此地

前隊中夜聞人行

泰贊公明瑞於前隊畧地夜聞人騎

進圍蹴之詢得哈什哈爾回人和濟默爾等六人同聲納降云云

奮勇圍捉喊勿殺是

投誠者來相迎久慕歸順大皇帝奈胥霍集占弟兄大

和卓木今肆掠想同伊弟潛逃生舊伯克等差我輩願

師速往揚威聲馬驢牛羊被擄去欲追擒彼嗟無能懇

籲將軍早赴援庶和卓木未遠征兆惠悉此率兵進通

信富德同謀乘

來降回衆云其屬方分投兩路軍門時兆惠聞信即移知富德軍以便協謀乘

勢進

相機持重慮賊詐

兆惠奏言回人情詞雖無可疑而受降如受敵兩軍並加意慎

重以防詭計甚協機宜

更慰萬里繫念怦四大回城三已得

哈爾

為逆酋大和卓木窟穴其城更大於先得之烏什阿克蘇二城今已歟降所餘僅葉爾奇木一大城矣

遊

魂釜底馬支撐斷其左臂固美事不無少恨煩懷仍使

波羅泥都

大和卓木名也

就獲以之餌彼弟或聽乃先兵至早

跳去復需時日勞軍偵二魁俘虜靖遐壤靜俟

天佑歌武成

詠玉韞

廉貞質資古溫潤製依今

今之玉韞製於古畧異而閨體鈎弦為得力適獲古玉軸

頭因改琢之

閨體恒隨手剖微在正心藝惟重繩武志詎為

從禽三復車攻什淺言義寓深

熱

秋熱今年長處暑暑未退設以過閏計七月應近晦於
何尚炎燠此理殊可會種遲苗茁茁西成庶企屆鬱蒸
乃秀實斯熱

天庥大惟是恐致霖下隰虞為害況值秋獮時適將臨
玉塞僕從豈無勞白汗揮行邁頓涼我所懼恐致九仞
敗熱亦我所願獨慮滋霖霽行旅及低田雨實不堪再
展轉難為情誰知巡幸快

夜雨

七月初五日

立秋不雨懼為霖

詩見前

霖霽連宵果見今已慮低田澇

晚稼兼憐行旅濕衣襟近山雷礮

上聲

誰能寐漲峽溪洪

或致侵

秋時野宿宜於高阜張幕不
知者夜雨溪勃或致為患

亟望明朝放晴好

風吹西北散層陰

密雲縣行宮對雨

夜雨通達曙野橋定漲津傳宣教駐蹕偃仰對蕭晨未
見雲生縫生憎山隱敝行宮難宴息漸石塵多人

曉晴啟蹕

龍公悔禍殫雨收相風西北來颼颼倦雲片片去如流
潦水盡而分路郵跋涉以已先衆儔習勞小試防惰偷
文恬武嬉非善謀更堪慰者農功諏野水就下道為溝

實不害稼歷覽周喜出望外人知不穡事最要次乃蒐

出古北口

前朝霖雨潮河漲浮橋促就待馬上輜重一一命徐渡
爭進擁擠反無當巡狩從來寓習軍何妨小試善將將
塞關歲歲常經過居民識熟無煩訶關外輿梁駕未得
避潦有路遵巖阿塞田不與內地同最慮山水當其衝
低梁高黍胥茫茫山水驟過沙壓蓬一隅亦厯災民窮
惟祈九寓均歌豐

塞田

塞田每致佳今歲實望外夏至過無雨跼蹐不可待叶
孰謂迴

天佑甘霖乃大沛駕言自京畿農功觀一帶兩種都茂
秀關外較尤最獨是谿勃漲間去聲頗致為害大體縱無
妨一夫彼何賴得之已不易失之惜應倍叶莫非祈年
憂豈識行秋快

副將軍富德奏報小和卓木霍集占亦望風先逃

卷八十八
葉爾奇木回衆投誠擬平定回部凱歌十首

伊犁平定擬功成熟謂狂回乃背盟師直從來荷

天佑詎予本意好佳兵

偏師護衛入回城

逆酋大小和卓木為準噶爾拘禁日久我師既定伊犁乃出諸繫中遣兵

送大和卓木歸舊部時葉爾奇木哈什哈爾城中伯克不容大和卓木進城賴我師之力攻克其城大和卓木乃能復統其衆反面樓蘭太寡情用是再勤將與卒亦惟誅彼

弟和兄

庫車去歲事竣巡不戰不追免脫身

初雅爾哈善方領重兵圍庫車城而

小和卓木旋入旋出竟付諸不問自以坐得空
城即可報命老師縱賊至今實貽養癰之害
設使就

擒早偃武至今猶恨債轅人

阿蘇

即阿克蘇也克字從上
阿急呼之原成二字

烏什遁投降直進原期速

定駝

去冬將軍兆惠率師徑薄葉爾奇木城雖以再定
伊犁招降布魯特周行萬餘里道遠馬乏猝爾被

遮然其時適當諸回城望風獻款
因乘勢直前速期綏靖非輕進也萬里周行強弩末將

軍猶是氣如虹

二千餘人守三月逆猢數萬不能攻援軍催進全師出

命副將軍富德等統兵往援轉戰三晝夜我師全軍拔
壘而還以少當衆且固守淹時而整暇如故洵有

神助
云 實賴

鴻禧益惕衷

整軍三路進攻齊早慮同逃不暇齎

將軍兆惠富德議分兵往定兩城朕

以二酋勢威或棄其人畜輜重而遁屢命將軍等熟籌詳計以偏師遮其要路周防潛竄哈什哈爾

平聲纔納欵葉爾平聲奇木又來溪

自古火州傳不雨纏頭驚訝雨隨軍驛致佳音感

乾胝

吐魯番闢展及葉爾奇木哈什哈爾一帶素少雨澤今大兵所過甘肅應時回衆絡繹來降者無不

詭為神異降夷日日出千羣

可知化外有同心
簞食壺漿獻致欽

將軍等奏降人爭持餽糧羊酒惟逐

營門具見忱悃
便爾先逃更何往前途遮獲定成擒

時兆惠富德方撫定

兩城之衆尅日進軍而叅贊公明瑞等一面往躡賊踪期必俘獲

窮回歸化即吾民安集勞徠命蓋臣

兩城回衆本為逆渠所脅非自甘抗

拒者今既不肯從亡且迎降恐後因諭將軍等加意拊循以示無外

檢校漢唐西域傳可

能到此事傳真

安集延將拔達山

軍中偵知二酋先期通好拔達山伯克將欲往投又以賊黨願赴安集延

持議未決然於彼此皆屬回地可以尺組繫也

豈能自外八鴻間行看往遺

去聲來倂獻兵氣全銷唱凱還

灤陽別墅

秋廵今復到灤陽
潦水澄鮮可渡航
幾架書齋待留憩
四圍山色是真常
儻來何必亟言去
婪熱堪憐漫趁涼
著壁新題連舊什
獨於斯也未能忘


登小金山

嘗聞天地間物必有對待
金山峙揚子小者於斯在
衆葉及須彌一真空性海
翻覆手掌耳名象究誰宰
忘言

遊希夷放步登索隄



御製詩二集卷八十八



總校官庶吉士臣侍朝

校對官編修臣周厚輅

謄錄監生臣李維翰